

摩訶般若波羅蜜大明咒經

後秦三藏鳩摩羅什譯



清刻龍藏佛說法變相圖

摩訶般若波羅蜜大明呪經

後秦三藏鳩摩羅什譯

觀世音菩薩行深般若波羅蜜多時照見五
陰空度一切苦厄舍利弗色空故無惱壞相
受空故無受相想空故無知相行空故無作
相識空故無覺相何以故舍利弗非色異空
非空異色色即是空空即是色受想行識亦
復如是舍利弗是諸法空相不生不滅不垢
不淨不增不減是空法非過去非未來非現
在是故空中無色無受想行識無眼耳鼻舌
身意無色聲香味觸法無眼界乃至無意識
界無無明亦無無明盡乃至無老死無老死
盡無苦集滅道無智亦無得以無所得故菩
薩依般若波羅蜜故心無罣礙無罣礙故無
有恐怖離一切顛倒夢想苦惱究竟涅槃三

世諸佛依般若波羅蜜故得阿耨多羅三藐
三菩提故知般若波羅蜜是大明呪無上明
呪無等等明呪能除一切苦真實不虛故說
般若波羅蜜呪即說呪曰

竭帝竭帝 波羅竭帝 波羅僧竭帝

第八

菩提僧莎訶

摩訶般若波羅蜜大明呪經